



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XI

BROJ: 185

DATUM: 22.08.2014.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Federalna vlada utvrdila kriterije za podjelu pomoći poplavljenima u FBiH i imenovala Upravni odbor i direktora Fonda

Apel za pomoć Općini Gračanica

Načelnik Općine Maglaj kod premijera Vlade FBiH

Na sanaciji posljedica prirodne nesreće u Sapni zaposleno 16, a u Olovu 100 osoba

Vlada FBiH uputila 3,5 mil.KM hitne pomoći poplavljenim gradovima

Federalno ministarstvo poduzetništva, razvoja i obrta daje 1,5 mil.KM za razvoj industrijskih zona

INTERVJU: Miro Kraljević načelnik Općine Široki Brijeg

Skupština evropskih regija posjetila Brčko distrikt BiH

Najava obilježavanja dana općina za mjesec septembar/rujan

Bilten Saveza općina i gradova Federacije Bosne i Hercegovine

FEDERALNA VLADA UTVRDILA KRITERIJE ZA PODJELU POMOĆI POPLAVLJENIMA U FBiH I IMENOVALA UPRAVNI ODBOR I DIREKTORA FONDA



Vlada Federacije BiH je, na 128. sjednici, koja je održana 20. avgusta/kolovoza u Sarajevu, usvojila Statut Fonda za pomoć nastradalim područjima od prirodne nesreće na teritoriji Federacije BiH, te za privremenog direktora Fonda imenovala Jasmina Jaganjca. On je ovlašten da, u ime Vlade BiH, obavi pripreme za početak rada Federalnog fonda, a posebno da pribavi potrebne dozvole za početak rada.

Na ranijoj, 127. sjednici koja je održana u srijedu, 13. avgusta/kolovoza, Vlada FBiH utvrdila je kriterije za dodjelu

sredstava za otklanjanje posljedica prirodne nepogode i obnovu područja zahvaćenih poplavama sredinom maja.

Kriteriji su, usvojenom Vladinom uredbom, definisani za fizička i pravna lica, a primjenjivaće ih Fond za podršku nastradalim područjima od prirodne nepogode na teritoriji FBiH.

Građani moraju zadovoljavati kriterij da su državljani BiH i da su u vrijeme majskih poplava imali imovinu na teritoriji općine zahvaćene prirodnom nepogodom. Uslov je i da je odlukom nadležne komisije utvrđen nastanak štete na imovini i da je šteta prouzrokovana prirodnom nepogodom.

„Pravo na dodjeljivanje sredstava ne može ostvariti više od jedne osobe iz kućanstva. Pravna osoba mora ispunjavati uvjet da je u vrijeme nepogode obavljala gospodarsku djelatnost za koju je registrirana, te da je na njoj imovini utvrđen nastanak štete“, saopštio je Ured za informisanje Vlade.

Imenovan je i Upravni odbor Federalnog fonda za pomoć nastradalim područjima od prirodne nesreće na teritoriji FBiH. Po funkciji, predsjednik UO Fonda je premijer FBiH Nermin Nikšić, a članovi su petorica ministara u Vladi FBiH, **načelnik Općine Maglaj Mehmed Mustabašić u ime Saveza općina i gradova FBiH** i predsjednik Samostalnog sindikata radnika rudnika uglja FBiH Sinan Husić. Članovi Upravnog odbora Fonda su i tri predstavnika donatora Safudin Čengić, Petar Čorluka i Zehra Obralića.

Federalna vlada je, razmatrajući informaciju o prošlosedmičnim poplavama, od vlada kantona i načelnika općina koji su proglasili stanje prirodne nesreće zatražila da joj hitno dostave podatke o broju kuća i stanova koje je potrebno hitno sanirati i procjene sredstava za obnovu.

APEL ZA POMOĆ OPĆINI GRAČANICA

Gračanica je u elementarnoj nepogodi i poplavama u maju mjesecu pretrpila ogromne štete koje su procijenjene na 45 miliona KM.

Nešto slično i gore se desilo 5. avgusta i naredna 3-4 dana kada su podivljale rijeke u mjesnim zajednicama i Sokoluša i Drijenča u Gračanici, što je dovelo do poplava na gotovo cijeloj teritoriji općine. Najviše je stradala Gračanica sa industrijskom zonom, te mjesne zajednice Donja Orahovica, Miričina, Rašljeva, Gornja Orahovica i dr.

Poplavljeno je preko 300 stambenih objekata, 30-ak firmi, posebno Jadrina, Index, Olimp, Isowood, Plastex, Dusa komerc i dr., presječni putevi, porušeno ili oštećeno 20-ak mostova, krenula nova klizišta – štete iznose preko 27 miliona KM ili ukupno sa onim majskim oko 71 milion KM.





Gračanica, avgustovske poplave

Nadležni u općini čine sve da ublaže posljedice, obezbijede krov nad glavom, snajraju puteve, međutim mogućnosti su ograničene. Stoga, Općina Gračanica upućuje APEL ZA POMOĆ. Najneophodniji su:

1. Hrana za djecu i odrasle (brašno, ulje, riža, konzervirana hrana i dr.)
2. Finansijska sredstva za izgradnju kuća, sanaciju puteva, vodovoda, vodotoka
3. Građevinski materijal za izgradnju kuća
4. Namještaj i bijela tehnika za poplavljene kuće

Svim aktivnostima koordinira Općinski štab civilne zaštite sa komandantom na čelu, Općinskim načelnikom Nusretom Helićem.

Otvoren je i poseban račun kako bi sredstva bila transparentno trošena:

- Poseban račun budžeta Općine Gračanica, uplate u KM otvoren kod NLB - Tuzlanska banka
Broj: 132-180-03102487-45
- Devizni račun budžeta Općine Gračanica, uplate u EUR valuti otvoren kod NLB - Tuzlanska banka
Broj: 100859718
IBAN: BA 39 1321 81008597 1892

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

NAČELNIK OPĆINE MAGLAJ KOD PREMIJERA VLADE FBiH

SARAJEVO, 11. avgust/kolovoz – Premijer Federacije BiH Nermin Nikšić razgovarao je danas, u sjedištu Federalne vlade u Sarajevu, s načelnikom Maglaja Mehmedom Mustabašićem, koji ga je upoznao sa stanjem u ovoj općini pogođenoj poplavama i klizištima, navodi se na web stranici Vlade FBiH.

Poplave u ovom mjesecu usložnile su ionako teško stanje prouzrokovano majskim nepogodama, kada je stradalo 1.500 stambenih i oko 300 privrednih objekata. Teške posljedice pretrpjela su poljoprivredna gazdinstva, a dodatne probleme stvaraju i dalje neprohodne komunikacije prema pojedinim dijelovima općine.

Općina Maglaj sačinila je plan obnove, u kojem su kao strateški pravci označene javne ustanove, ekonomija, infrastruktura i stanogradnja. Posebno je istaknuto da je grad Maglaj očišćen od nanosa koje su donijele poplave, a o kolikom se poslu radilo govori podatak da je samo za angažovanje mehanizacije potrošeno 105 tona nafte.

Kada je poljoprivreda u pitanju, poplavljene ratarske površine nanovo su zasijane, što će, barem donekle, umanjiti ukupne štete.

Ipak, prema riječima načelnika Mustabašića, prave razmjere prirodne nesreće i dalje su vidljive unutar stambenih i privrednih objekata.

Premijer Nikšić kazao je da će se, već ove sedmice, na sjednici Vlade FBiH naći podzakonski akti neophodni za funkcionisanje Fonda za pomoć nastradalim područjima od prirodne nesreće na teritoriji FBiH, te će biti imenovan Upravni odbor Fonda.

Federalni premijer podsjetio je da je Vlada u prvoj interventnoj pomoći uputila općini Maglaj 590.000 konvertibilnih maraka, te da je prije nekoliko dana na ime pomoći za četiri kantona uplaćeno ukupno 3,5 miliona KM.

Također, Maglaj, kao i ostali dijelovi BiH i FBiH pogođeni poplavama i klizištima, mogu računati na međunarodna kreditna i donatorska sredstva kada ona postanu operativna.

Kada je riječ o oživljavanju ekonomskih aktivnosti, a budući da u Maglaju veliku većinu stradalih privrednih objekata čine mala i srednja preduzeća, premijer Nikšić sugerirao je da se općina Maglaj obrati Federalnom zavodu za zapošljavanje kako bi bila uključena u programe namijenjene očuvanju radnih mjesta.



Grb Općine Maglaj



NA SANACIJI POSLJEDICA PRIRODNE NESREĆE U SAPNI ZAPOSLENO 16, A U OLOVU 100 OSOBA



**Potpisani ugovori sa 16 osoba koje će raditi na čišćenju
i uređenju područja općine Sapna**

SAPNA, 4. avgust/kolovoz – Nakon objavljenog Javnog poziva za zapošljavanje osoba sa evidencije Biro-a rada u FBiH, u općini Sapna okončane su procedure oko prijema u radni odnos šesnaest osoba među kojima i devet mladih osoba koje su se vodile na evidenciji Biro-a u Sapni. Radi se o prijemu u radni odnos sedam nezaposlenih osoba bez kvalifikacije, osam osoba koje posjeduju srednju školu i jednog diplomiranog geologa na period od tri mjeseca, a po Programu „Zajedno u obnovi“. Ove osobe će od 01. avgusta putem Službe civilne zaštite raditi na uklanjanju zemlje pored objekata, puteva, vodovoda, čišćenju kanala, istovaru, sortiranju i distribuciji

pristigle pomoći, praćenju kliznih procesa aktivnih i umirenih klizišta i na drugim poslovima koji se u toku radnog angažmana ukažu kao potreba.

Svim angažiranim ovo zapošljavanje je dobro došlo jer neki godinama čekaju na posao, dok je mladim osobama ovo prilika za prvi radni angažman, mišljenja su kandidati koji su u općini Sapna potpisali Ugovor o radu na određeno vrijeme.

Prilikom potpisivanja ugovora Općinski načelnik Ismet Omerović je rekao kako „zagarantovana mjesečna primanja koja će imati angažirane osobe sigurno nisu dovoljna za potrebe ovih porodica, ali općina Sapna nastoji uticati na poboljšanje životnih uslova i zapošljavanje naših građana, te stoga ovaj Poziv nismo mogli odbiti i biti ravnodušni na ukupnu situaciju u kojoj se nalaze naši građani“.

Sredstva za plaće i doprinose bit će obezbijeđena putem Zavoda za zapošljavanje FBiH uz sufinansiranje općine Sapna.

Za period od 01.08. - 01. 11. 2014. godine, ovim osobama će se voditi radni staž.

Također, u okviru istog projekta (Federalnog zavoda za zapošljavanje „Zajedno u obnovi“), u Olovu je zaposleno 100 osoba koje se vodilo na evidenciji Biroa za zapošljavanje. Zaposlenje se odnosi na period od 3 mjeseca a podrazumjeva radove u oblasti gradske čistoće, sanacije lokalnih puteva, divljih deponija, obala rijeka, pomoć osobama koje su pretrpjele štetu u toku poplava itd.



Grb Općine Sapna



Grb Općine Olovo

VLADA FBiH UPUTILA 3,5 MIL. KM HITNE POMOĆI POPLAVLJENIM GRADOVIMA

SARAJEVO, 6. avgust/kolovoz – Vlada Federacije BiH je na današnjoj 57. hitnoj, telefonski održanoj sjednici, donijela Odluku o izdavanju dijela sredstava iz Budžeta FBiH za 2014. godinu s pozicije tekućih transfera područjima pogođenim elementarnim nepogodama.

Riječ je o hitnoj finansijskoj pomoći od ukupno 3,5 mil KM. Pomoć je usmjerena prema četiri kantona koja su pretrpjela velike štete tokom majskih poplava, a i ovih su dana pogođeni poplavama. Konkretno, Tuzlanski i Zeničko-dobojski kantonu dobiće po 1.225.000 KM, a Unsko-sanski i Posavski kanton po 525.000 KM.

Sredstva su namijenjena za hitne sanacije šteta nastalih usljed elementarnih nepogoda izazvanih poplavama iz maja i augusta 2014. godine.

Vlada FBiH je zadužila kantone da joj u roku od 60 dana od uplate dostave izvještaje o načinu korištenja sredstava. Korištenje dodijeljenih sredstava podliježe budžetskom nadzoru na osnovu Zakona o budžetima u Federaciji BiH.

Ovakva odluka je donesena nakon što je Vlada razmatrala zahtjeve za pomoć u otklanjanju posljedica najnovijih poplava koje su uputili premijeri ovih kantona.

Prije donošenja Odluke, članovi Federalne vlade upoznati su o vanrednom izvještaju Federalne uprave civilne zaštite za 5. i 6. avgust 2014. godine, te o zahtjevima za pomoć koji su iz ovih kantona upućeni Vladi FBiH, saopćio je Ured za odnose s javnošću Vlade FBiH.

*Riječ je o hitnoj
finansijskoj pomoći od
ukupno 3,5 mil KM. Pomoć
je usmjerena prema četiri
kantona koja su pretrpjela
velike štete tokom majskih
poplava, a i ovih su dana
pogođeni poplavama.*

FEDERALNO MINISTARSTVO PODUZETNIŠTVA, RAZVOJA I OBRTA DAJE 1,5 MIL.
KM ZA RAZVOJ INDUSTRIJSKIH ZONA

7. avgust/kolovoz – Federalno Ministarstvo poduzetništva, razvoja i obrta uskoro će početi podjelu 1,5 mil KM za sufinansiranje razvoja poduzetničkih zona u ovom entitetu.

Ovo ministarstvo je i prošle godine općinama dodijelilo isti iznos poticajnih sredstava za poduzetničke zone, a od 2005. do 2012. za ove namjene su izdvojena 11,3 mil KM.

Prema podacima Ministarstva, u Federaciji BiH djeluju 24 poduzetničke zone koje se nalaze u 15 općina Federacije. Najviše je poduzetničko-zanatskih, oko 80%, potom industrijskih oko 17%, dok je specijaliziranih oko 3%. Što se tiče strukture djelatnosti poduzetnika koji su aktivni u zonama, 45% su proizvodne djelatnosti, a 55% trgovačke i uslužne.

Većina zona (77%) formirana je na zemljištu koje nije imalo izgrađenu infrastrukturu. Znači da su industrijski objekti, sa izgrađenom infrastrukturom iz prethodnog perioda, nedovoljno iskorišteni za gradnju poslovnih zona.

Što se tiče popunjenosti zona, samo tri su maksimalno popunjene aktivnim privrednim subjektima i to poslovna zona "Bukva" u Tešnju, "Jug" u Livnu i zona "Dusina" u Orašju.

Popunjenost 50-80% je u zonama "Tromeđa" i "Blizne gomile" u Čitluku, zatim zona u Sanskom Mostu, "PC-96" u Vitezu, "Mostarska vrata" u Ljubuškom, te zone u Tomislavgradu i u Stocu.

Ostale zone imaju manje od 50% aktivnih subjekata u zoni, dok u zonama u Odžaku, Kaknju i zoni "Zvirovići" u Ljubuškom još nema izgrađenih poslovnih objekata.

U Ministarstvu navode da cijene zemljišta u zonama nisu visoke, mada bi one u nekim slučajevima mogle biti i niže. Cijena, kako kažu, zavisi od niza faktora, kao što su lokacija zone, njena saobraćajna povezanost, infrastrukturna izgrađenost, kao i pogodnosti koje općine nude investitorima.

Investitorima je u poduzetničkoj zoni u Tešnju zemljište za izgradnju poslovnih objekata ponuđeno bez naknade, ali pod određenim uslovima, dok je u pojedinim poslovnim zonama cijena zemljišta po kvadratnom metru simbolična - marka po kvadratu. Takva je zona u Kaknju, poduzetničke zone "Brdo" i "Begovača" u Livnu, te poslovna zona u Tomislavgradu, ali samo za proizvodne objekte, dok je za ostale cijena 14,5 KM po kvadratu.

U ostalim cijene zemljišta se kreću od tri do 35 KM po kvadratnom metru i razlikuju se od općine do općine.

Međutim, cijena zemljišta nije jedina pogodnost kojom općine nastoje privući investitore, pa su tako investitori u mnogim slučajevima oslobođeni raznih naknada, imaju novčane subvencije za zapošljavanje itd.

KORISNI LINKOVI ZA
PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu


INTERVJU: MIRO KRALJEVIĆ, NAČELNIK OPĆINE ŠIROKI BRIJEG DAT
'OSLOBOĐENJU'

4. avgust/kolovoz – "I ubuduće ću kao gradonačelnik ukazivati na nepravednu raspodjelu javnih prihoda, sve dok se ona ne ispravi. Dobivanje statusa grada neće donijeti nekakve veće troškove, jer neće biti novih zapošljavanja", rekao je u intervju sarajevskom Oslobođenju Načelnik Općine Široki Brijeg Miro Kraljević.

„Već nekoliko godina moje kolege i ja iz drugih općina ukazujemo na nepravednu raspodjelu javnih prihoda. I ubuduće ću kao gradonačelnik ukazivati na nepravednu raspodjelu javnih prihoda, sve dok se ova nepravda ne ispravi. Za ilustraciju ću navesti podatak da u posljednjih nekoliko godina naš proračun iznosi oko devet milijuna KM, te da smo u 2013. prema Federalnom zavodu za programiranje razvoja deveti po razvijenosti u Federaciji BiH. Prema provedenom popisu stanovništva, općina Široki Brijeg ima 29.809 stanovnika, a svih ovih godina raspodjela javnih prihoda vršena je prema procjeni od oko 27.000 stanovnika“, izjavio je u intervju Oslobođenju (grado)načelnik Širokog Brijega Miro Kraljević.



Miro Kraljević, načelnik Općine
Široki Brijeg



Grb Općine Široki Brijeg



Široki Brijeg - panorama

Kraljević se nada kako će dobivanjem statusa grada dugoročno biti olakšan pristup Širokog Brijega EU fondovima, a i da će Široki Brijeg sa statusom grada biti privlačniji i za strane investitore. Napominje kako dobivanje statusa grada neće donijeti nekakve veće troškove, s obzirom na to da neće biti novih zapošljavanja, a i broj vijećnika će ostati isti.

„Jedan od potencijala daljnjeg razvoja našeg grada je svakako uspostava industrijske zone Trn, što je ujedno poziv gospodarstvenicima i investitorima da uz osiguranu infrastrukturu, kao i povoljni geografski položaj i dobru prometnu

povezanost, dođu u Široki Brijeg. Sa zadovoljstvom ističem tvrtku Feal, koja je prvi investitor u našoj novoj gospodarskoj zoni. Mi u lokalnoj upravi stvaramo pretpostavke za razvoj gospodarstva, što se vidi i po razvijenom gospodarstvu u našoj općini. Potičemo proizvodno poduzetništvo na način da su obveznici koji se bave proizvodnim djelatnostima oslobođeni plaćanja komunalne naknade u prvoj godini rada. Pojednostavili smo proceduru ishođenja građevinskih dozvola, uz velike pogodnosti kod plaćanja komunalnih doprinosa“, kaže Kraljević.

Val iseljavanja ponovno pogađa većinu i bosanskih i hercegovačkih mjesta. Nakon ulaska Hrvatske u EU, bh. Hrvatima je postalo lako otići iz zemlje. No, Kraljević kaže kako iz općine Široki Brijeg nema podataka o nekom većem broju odlazaka stanovništva.

„Iako se nakon ulaska Hrvatske u Europsku uniju mladima pružila mogućnost zapošljavanja u zemljama EU, a s obzirom na to da danas mladi većinom poznaju jedan ili dva svjetska jezika, to umnogome olakšava eventualno zapošljavanje. Ja to ne smatram problemom, naprotiv smatram to našom prednošću. Jer današnja razvijenost Širokog Brijega i poduzetnost naših gospodarstvenika velikim dijelom je „uvezena“ baš iz zapadnoeuropskih zemalja. Također, moram istaknuti da je danas u Širokom Brijegu više od 6.300 zaposlenih, što je u povijesti Širokog Brijega najveća zaposlenost“, rekao je (grado)načelnik Širokog Brijega Miro Kraljević.

Široki Brijeg je poznat i po svojim festivalima, poput West Hercegovina Festa i Mediteran Film Festivala. Gradonačelnik Kraljević kaže kako je Široki Brijeg gospodarsko, športsko i kulturno središte ne samo Zapadnohercegovačke županije nego i puno šire.

„Brojni su nastupi kulturno-umjetničkih društava, imamo ih 16, u zemlji i inozemstvu, a predstavljajući knjiga, izložbe i koncerti su širokobriješka svakodnevica. Večeri folklor, Svibanjska sjećanja, Ulične utrke, Večer kulturne baštine, Božićni koncert, samo su neke od manifestacija koje se održavaju u sklopu cjelogodišnje manifestacije Brijeska zvona. Krajem prošlog mjeseca održan je tradicionalni i izvan granica zemlje poznati 12. festival amaterskog stvaralaštva West Hercegovina Fest, a krajem tekućeg mjeseca održava se tradicionalni međunarodni 15. Mediteran Film Festival. Svakako su nabrojani događaji veoma važni u turističkoj ponudi Širokog Brijega“, ističe Kraljević.

(Intervju preuzet sa web stranice Općine Široki Brijeg)

Pratite Savez općina
i gradova FBiH na



Pratite Savez općina
i gradova FBiH na



Kraljević se nada kako će dobivanjem statusa grada dugoročno biti olakšan pristup Širokog Brijega EU fondovima, a i da će Široki Brijeg sa statusom grada biti privlačniji i za strane investitore.

SKUPŠTINA EVROPSKIH REGIJA POSJETILA BRČKO DISTRIKT

BRČKO, 21. avgust/kolovoz – S ciljem povezivanja Distrikta sa regijama Evrope koje imaju veliki uticaj u političkom i privrednom smislu Skupština Brčko distrikta Bosne i Hercegovine danas je bila domaćin radnog sastanka međudržavne delegacije Skupštine evropskih regija (AER) na temu „Izazovi i mogućnosti za regionalni razvoj – primjer Brčko distrikta BiH i uloga međuregionalne saradnje u Evropi danas“, navodi se na web stranici Brčko distrikta BiH.

Tom prilikom u Distriktu je boravila delegacija u čijem sastavu su bili predstavnici Turske, Francuske, Švedske, Norveške, Švicarske i Belgije, a posjeta predstavlja snažan podsticaj domaćoj poslovnoj zajednici i šansu za investicije, posebno kroz programe regionalne i međuregionalne saradnje.



Delegacije Skupštine evropskih regija






KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.facso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Ravno



Prozor-Rama

"Suština je da Skupština evropskih regija povezuje privrednike s ciljem privlačenja investitora i zapošljavanja prvenstveno mladih ljudi", ocijenio je predsjednik Skupštine Brčko distrikta BiH Đorđa Kojić.

Gradonačelnik dr. Anto Domić je istakao da Evropska unija počiva na principima snage regija i da, "ukoliko se dobro organizujemo i budemo aktivni u regijama Evrope sigurni smo da možemo povući i više sredstava iz fondova EU, ali i brže implementirati EU direktive. Ovo je dobar put djelovanja premda mi se čini da svi još uvijek nisu u potpunosti razumjeli značaj ovih regija. Vrlo je važno što su ljudi došli u Brčko da razgovaramo i u njima imamo prijatelje koji nam mogu pomoći, od specifičnih radionica iz oblasti obrazovanja, ljudskih prava, privrede, trgovine, transporta do toga da nas nauče kako djelovati prema EU", dodao je gradonačelnik Domić.

Predsjednica Skupštine evropskih regija Hande Ozsan Bozatli (Hande Ozsan Bozatli) je u obraćanju novinarima naglasila da ova asocijacija može pomoći BiH koja je na putu ka EU lobiranjem i na drugi način u korist ostvarivanja interesa u raznim oblastima. Brčko je ocijenila kao prioritetnu regiju koja predstavlja primjer zajedničkog života ljudi različite vjere, nacije i jezika, ali i primjer mira. Ona je dodala da AER može uraditi mnogo na lobiranju za Brčko u okviru Evropske unije te istakla da je u prethodnih pet godina, koliko je član ove organizacije, bio veoma konstruktivan partner.

Potpredsjednik Skupštine evropskih regija Jean-Claude Gayssot (Žon-Klod Gizo) također je ocijenio današnji sastanak vrlo plodnim i istakao da je mnogo praznina između državnih vlasti i građana koje mogu smanjiti samo regije i lokalni nivoi.

Skupštinu Evropskih regija čini 230 članica iz 35 zemalja, a Brčko distrikt BiH je ravnopravan član ove asocijacije od 2009. godine. Gosti iz evropskih regija danas su također posjetili Gradsku vijećnicu kao i JP „Luka Brčko“.

NAJAVA OBILJEŽAVANJA DANA OPĆINA ZA MJESEC SEPTEMBAR/RUJAN

- **8. septembar/rujan - Dan Općine Ravno** i blagdan Male Gospe, zaštitnice Župe.
- **8. septembar/rujan - Dan Općine Prozor-Rama** i blagdan Male Gospe.
- **10. septembar/rujan - Dan Općine Banovići.** Na ovaj dan 1995. godine oslobođena je cjelokupna teritorija općine Banovići.
- **14. septembar/rujan - Dan Općine Donji Vakuf.** Tog dana 1995. godine oslobođen je Donji Vakuf.
- **8. septembar/rujan - Dan Općine Zavidovići.** Ovaj datum proglašen je za Dan Općine Zavidovići zato što je u periodu od 10. do 15. septembra 1995. godine izvršeno oslobađanje cjelokupne teritorije Općine Zavidovići (područja Vozuće 10. septembra i Blizna 15. septembra 1995. godine).
- **15. septembar/rujan - Dan Općine Ključ.** Taj dan se obilježava i kao Dan oslobođenja jer su na taj dan 1995. godine jedinice Armije BiH oslobodile Ključ.
- **15. septembar/rujan - Dan Općine Bosanska Krupa.** Ovaj datum predstavlja dan konačnog oslobođenja Bosanske Krupe 1995. godine.



Banovići



Donji Vakuf



Zavidovići



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Pratite Savez općina i gradova Federacije Bosne i Hercegovine na

YouTube

Pratite Savez općina i gradova FBiH na



facebook
Savez općina i gradova Federacije Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

- **18. septembar/rujan - Dan Općine Lukavac.** Značaj ovog datuma je u činjenici da je 1995. godine oslobođenja cjelokupna teritorija Općine Lukavac.
- **18. septembar/rujan - Dan Općine Goražde.** Ovaj datum podsjeća na 18.10.1992. godine, kada su jedinice Armije BiH prvi put oslobodile Goražde od neposrednog okruženja neprijatelja, i zlatnim je slovima upisan u historiju Goražda. Ovaj dan se obilježava i kao Dan BPK-a Goražde.
- **18. septembar/rujan - Dan Općine Maglaj.** Tog dana 1408. godine u Povelji ugarskog Kralja Sigismunda prvi put se u pisanim tragovima spominje ime grada Maglaj, "Sub Cantro Nostro Maglay" - "Pod našom tvrđavom Maglaj".
- **18. septembar/rujan - Dan Općine Kupres.**
- **27. septembar/rujan - Dan Općine Pale-Prača.** Tog dana 1992. godine oslobođena je Hrenovica, najveća mjesna zajednica na prostoru općine Pale-Prača i oformljeni prvi upravni organi Općine. Taj dan se obilježava i kao Dan otpora Općine Pale-Prača.
- **28. septembar/rujan - Dan Općine Livno.** Najstariji pisani dokument u kojem se spominje Livno je Poveljakneza Mutimira od 28.09.892. godine kojom se Crkva sv. Jurja daruje splitskom nadbiskupu Petru II, u kojoj se među potpisnicima u listi svjedoka na drugom mjestu nalazi i livanjski župan Želimir. Ovaj datum se obilježava kao Dan Općine Livno.



Lukavac



Goražde



Kupres



Livno



Bosanska Krupa



Maglaj